



SLUŽBENE NOVINE

KANTONA SARAJEVO

Godina XXIV – Broj 10

Četvrtak, 7. marta 2019. godine
SARAJEVO

ISSN 1512-7052

KANTON SARAJEVO

Ministarstvo zdravstva Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo

Na osnovu člana 67. stav 3. alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo", br. 44/07, 29/18, 39/18, 41/18, 42/18 i 49/18), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo u sastavu Isić Amra - predsjednica, Pekmez Medina Amina - zamjenica predsjednice, Malićević Sanela - član, Sadiković Senad - član, Zemanić Hasan, član i Šulović Indira, zamjenski član za Zemanić Hasana, povodom dopisa sekretara Stomatološkog fakulteta sa klinikama u Sarajevu bez broja od 28.01.2019. godine kojim se traži tumačenje odredbe člana 35. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor) kojom je regulisano povećanje osnovne plaće za naučni stepen doktora nauka, naučni stepen magistra nauka i naziv primarius, na 7. sjednici održanoj 18.02.2019. godine, jednoglasno je donijela

ODLUKU

Član 1.

Utvrđuje se tumačenje odredbe člana 35. Kolektivnog ugovora, i to kako slijedi:

"Član 35. Kolektivnog ugovora se odnosi na sve radnike u oblasti zdravstva bez obzira da li je riječ o zdravstvenim ili nezdravstvenim radnicima, pod uslovom da je, u konkretnom slučaju, zvanje magistra izričito propisano kao uslov za obavljanje poslova određenog radnog mjesta Pravilnikom o radu, unutrašnjoj organizaciji i sistematizaciji radnih mjesta javno zdravstvene ustanove."

Član 2.

U skladu sa članom 68. stav 3. Kolektivnog ugovora ova Odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se dostaviti podnosiocu upita, svim zdravstvenim ustanovama na koje se odnosi Kolektivni ugovori i objavit će se, putem Ministarstva

zdravstva Kantona Sarajevo, u "Službenim novinama Kantona Sarajevo".

Broj 4/19
18. februara 2019. godine
Sarajevo

Predsjednica Komisije
Amra Isić, s. r.

Zamjenica Predsjednice
Komisije
Medina Amina Pekmez, s. r.

Ministarstvo za rad, socijalnu politiku, raseljena lica i izbjeglice

Na osnovu člana 68 stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05). a u skladu sa članom 6. stav 2. Uredbe o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14 i 8/18), ministar za rad, socijalnu politiku, raseljena lica i izbjeglice Kantona Sarajevo donosi

INSTRUKCIJU

O VISINI MJESEČNOG NOVČANOG IZNOSA SUBVENCIONIRANJA TROŠKOVA GRIJANJA

Član 1.

(Predmet Instrukcije)

Ovom instrukcijom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14 i 8/18).

Član 2.

(Visina novčanog iznosa subvencioniranja troškova grijanja)

Visina novčanog iznosa subvencioniranja troškova grijanja za mjesec januar, februar i mart 2019. godine iznosi 100,00 KM mjesečno.

Član 3.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-14-2740/19
06. februara 2019. godine
Sarajevo

Ministar
Malik Garibija, s. r.